

Retningslinjer for Ulvik viltfond

vedtekne i Ulvik heradsstyre 13.09.2001. Endra 17.12.08 av Ulvik heradstyre

1. Føremål.

Midlar frå Ulvik viltfond skal vere med å skape økonomisk bakgrunn for å fremje viltforvaltinga i heradet.

2. Definisjon.

Ulvik viltfond er eit bunde driftsfond som heradet forvaltar til viltføremål.

3. Inntekter til fondet.

Som inntekter til fondet vert rekna:

- Offentleg fellingsavgift for elg og hjort - storleik vert fastsett i heradet sitt i budsjett.
- Eventuelle tilskot frå statleg viltfond.
- Årleg avkasting frå fondet. Viltfondet vert forvalta saman med resten av heradet sin kapital og avkastinga vert årleg del av heradet sine renteinntekter.
- Inntekter frå omsetjing av ulovleg felt vilt og fallvilt av hjortevilt.
- Inntekter frå hjortevilt som er felt etter § 13 i viltlova ("skadeløyve").
- Eventuelle løyvingar frå heradet.
- Eventuelle andre midlar.

4. Disponering av fondet.

Disponering av det kommunale viltfondet er Ulvik herad sitt ansvar, og skal brukast til viltrelatert arbeid i heradet og er ikkje avgrensa til hjortevilt.

Fondet kan brukast til:

- Tiltak for å fremje viltforvaltning, styrke kunnskapen om viltet, jaktorganisering og liknande i heradet og i naboherad gjennom samarbeid i regi av organisasjonar, enkeltpersonar eller heradet sjølv.
- Dekke heradet sine utgifter til ettersøk, handtering av skadd vilt og fallvilt.
- Tiltak for å førebygge skade på landbruksnæring som skuldast hjortevilt.

Fondet kan ikkje brukast til:

- Heradet sin administrasjon av viltforvaltinga.
- Erstatning for skade som skuldast vilt.
- Skotpremie.

Ulvik viltnemnd kan fastsetje meir detaljerte reglar for ulike føremål og tiltaksgrupper.

Retningslinjene er eit supplement til forskrift om kommunale viltfond og fellingsavgift for elg og hjort, fastsett av Direktoratet for naturforvaltning 23. mai 2001.

5. Forvaltning

Ulvik viltnemnd er styre for fondet. Fondstyret kan delegere vidare mynde til rådmann. Fondsmidlane skal plasserast på renteberande konto slik at fondet er disponibelt til ei kvar tid. Renter og avdrag vert ført attende til fondet. Det skal førast eige rekneskap og budsjett for viltfondet.

6. Fellingsavgift

Storleik på fellingsavgift for elg og hjort vert fastsett årleg i budsjettet til heradet innanfor dei rammer for storleiken på fellingsavgifta som kvart år vert vedteke i Statsbudsjettet.

7. Tildeling av midlar frå fondet.

Det kan tildelast midlar frå viltfondet til lag, organisasjonar, verksemder og einskildpersonar. Når det er aktuelt å tildele midlar frå fondet skal dette gjerast kjent for ålmenta i god tid før eventuell søknadsfrist.

Tilskot skal primært ytast til tiltak av lokal karakter og som ikkje lett kan få statstilskot.

Tilskot vert gjeve etter søknad og på grunnlag av godkjende kostnadsoverslag og at krava til søknad er oppfylde.

7. a) Kva tiltak kan få tilskot?

Tilskot kan gjevast til oppgåver innan viltrelatert arbeid i heradet, også viltkartlegging og informasjonstiltak. Tiltak knytt til arbeid med driftsplanar skal tilleggast vekt og oppgåver som bygger på samarbeid mellom herad vert prioriterte.

Døme på andre tiltak:

- Arbeid med tilrettelegging, organisering og informasjon om jakt og høve til jakt.
- Tiltak som har som målsetjing å betre bestandsoversyn, oppretting og drift av lokale samarbeidsråd.
- Førebygging mot hjorteviltskade.
- Samfinansiering av prosjekt.
- Andre lokale vilttiltak.

7. b) Krav til søknad.

Søknad om støtte frå fondet må fremjast skriftleg før tiltaket vert sett i verk.

Fondsstyret kan fastsetje søknadsfristar.

Søknaden skal innehalde (minimumskrav):

- Kva tiltaket går ut på, søkjaren si utgreiing og vurdering av tiltaket.
- Opplysningar om søkjaren.
- Investerings- og finansieringsplan.
- Framdriftsplan
- Kven som er deltakarar og skal utføre arbeidet

7. c) Utbetaling.

- 50% av tilsagnet kan utbetalast ved faktisk oppstart før fullstendig investering er gjort.
- Delutbetaling kan skje mot dokumentasjon på gjennomføring med 90 % av tilsagnsummen. Fondsstyret kan gjere vedtak om eingongsutbetaling.
- Frist for gjennomføring av tiltaket er normalt 2 år (tilsagnsåret + to heile kalenderår).
- Administrasjonen får fullmakt til å godkjenne 1 år utsetjing av frist for gjennomføring av tiltaket, etter søknad. Utsetjing utover dette skal handsamast av fondsstyret.
- Dersom det oppstår tilhøve som er strid med føresetnadane for støtta, kan Ulvik herad avgjere at tilskot skal løysast inn heilt eller delvis.

- Krav om innløyising av tilskot kan ikkje setjast fram seinare enn 5 år etter utbetaling.

Før tilskot kan utbetalast, må fylgjande føresetnadar vere oppfylde:

- Tiltaket må vere fullfinansiert.
- Rapport og revidert rekneskap skal vere godkjend av Ulvik herad.
- Krav som vert stilt i gjeldande lover, forskrifter og standardar skal vere oppfylde og naudsynte godkjenningar må liggje føre.

7. d) Sakshandsaming og klage/anke.

Viltfondet og løyvingar frå fondet vert administrert av fondsstyret

Klage på kommunale vedtak skal handsamast av fylkesmannen, jmf. Viltlova § 4 siste ledd.

Fondsstyret står fritt til å vurdere tilskotsstorleik innan gjeldande rammer.